

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

Si vendin la vie da l'Edicole e la dai Tabachine in Marcolavieri, in piasse Contarene e in Borg di S. Bartolomeo

REDAZION : su la fontane di piazze Contarene — AMINISTRAZION : su la foreade de Vigne

Per altri **Floresan** al si lassara ciata, quand che ovente, in Stamparie Jacob e Colmegne.

Tiradure 5,000 coplis.

Avis di Florean

Stand che uè e jè une fieste grande, cussi Florean al è vignut fur uè, invezit di doman, a strenzii la man ai forestirs. E stand che ance domenie an vignara unmong, cussi par in che di o publicarai un numar strasordenari che al sarà qualchi ciosse di biell e di gnuv! Orpo, ce robe!

Florean a l'Espusizion

Us hai impromitut joibe di faus quatri ciacaris su lis pituris. Al è un afar serio, savevo. Parò che, s' o hai di dits la veretat, al è poc oe tignissi in bon.

Ma, o hai impromitut e o seugn mantign la peraule, parò che jo no soi une muse di dos musis. Nome us yist che no stais a spietassi ch' o us fasi une critiche. Jòluts! Al sareas l'instess come di che voreste fazi bala la polche a son di legnadis! Ma da bon no, paronà miev benedez, che no mi comodareas gran di vendi ches risoris.

Dunoe, cemud la mangino, e direas voaltris? Ma, mangiaile cuete, mangiaile crude, mangiaile cemud che oles, jo no uel savend di comprometi lis mes paris spalis par voaltris. Veso il vol? Si. Veso un frighinin di cheil che si domande, in te cozze? Si. Ben, atore nòl ocor che stais a spieta di sinti il parè di Florean par fassi une idee dal merit de part artistiche de nestra Espusizion. Se po' e voles propriit un judizi critich, autorevol, stader e spassionad, no stait a domandamal a mi.

Domandajal ai cronichs di chei altris sfuels, che prin di fevelaus di un quadri, e van a cialà su catalogo il nom dal autor e, po' dopo, us ciatin il biell e il bon, magari te snaze, second che han sintut a di, de femine dal latt, che Tizio al è brav, o second ch' a ur prem di sta in bufnis cun Sempronio o cun Cajo.

Savevo ce ch' o puess faus jo? Jo o puess nome faus di Cicaron. Ciapaus pe manute e menaus sù e jù pe galarie dai quadris, mostranjus chei che mi han parut che meretassin la me atenzion. In quant al judizi e a la critiche, us a i lassara! fa di voaltris. Si contentaiso di cussi? Si. Ben, jentrin dunoe.

N. 217. E je une *Madone cul bambin*. Copie di un quadri antigh, ches si capiss. Cheil che no si po capi al è il parè che che puare madone a vedi di ve, in ta cheste stagion, i polezz tes mans. Al salte subit tai voi, invece, che jè all che pree, pal amor di Dio, chei che passin, che vadin a clama il ciroigh par fai giava l'aghe al so puar bambin, ch' al è lidropich.

N. 84. *L'Adultere*. E je une copie ance cheste, ma us racomandi di no contajal a di niun, parò che, no essind dft in tal catalogo uffizial ch' e jè une copie, pòdaress dassi che veassin voe di fale passa par un quadri original. Puare *adultere*! cialait ce muse di murtificade che fas, parò che no le han lassade che finissi di petenassi. E la nome miezz *chignon* sul cial, puarete! Gisu Crist al cir i gris te jarbe; San Pieri e San Zuan a si maravein che un omp al puedi sei stat cuss di buine boce di fai fa a di che femine un po ciat di adulteri. La massarie si è dismentess di parà di lis telis di ragn che scutind in camp d'arie dai quadri; i pipins e stan dura tanche fossin di len, vistuz di carton, e pojaz in pins sun d'un plumin. Il fujam dai arbul al so-mée di bombas in pel. La composizion e jè buine; ma... e jè une copie.

N. 62. Ritratt di une siore che par malcontente dal sbalett che ha su la muse.

N. 63. Ritratt di un biell par di moschetis e di un biell barbuzz a la Ciadini, tacaz sù sun d'une muse di un omp piuttosto madur, ma ch' al ha di ve ancimo lis sos pretesis. Tant al è ver ch' a si viod ch' al si ten mal apajat di jessi cull,

parec che il piruchir, tosanlu, i ha fate la s-ciadinade di Madone di Grazie sul ciat.

N. 101. Ritratt di un persuadut di sei biell, oin dutt che il pitor al vedi fatt dutt ce ch'al podeve par convinci il publich dal contrari.

N. 102. Ritratt di un biell gilè a quadrèi.

N. 207 e 208. *Là Curiose e la Penitent*. Doi quadruzz che son stufis di zira pes espusiziuns. La curiose, par tant che vebi curiosat, no jè ancimò stade buine di fassi pajà la so curiositat. La Penitent e pense a la veretat di chell proverbio: « *I pintuz e i squintiaz e van dugg par une strade.* »

N. 221. Copie dal *Ritorno dalla Sagra* di P. Michetti. Un aquarell fatt a scarabocio.

N. 199. Un confenon cun piturade in cime une Madone cul bamin. E han vut avonde judizi di esponilu tal scur, dula che no si puedi viodilu.

N. 79. Il pitor al dis ch'al è un Café al Cairo. Jo o dis ch'al è un congress di scimiis. Al podarass anca servi par modell di astegio in t' une scuele di caligrafie, dula che no i jentrass il dottor Comell.

N. 44 a 57. Studiis di diplomazie di un diletant. Za, e saxes che in diplomazie no si ha mai di lassà induvinà il pinsir.

N. 22. Cinq frutins ch'a vain par jessi li nuz, e obleaz a mostrà dutt ce che han di brutt.

N. 5, 6, 7, 8, 9, 10, 11, 13, 14. Aquarel di un professor di dissèn. Viodinju no si lu cred, e pur è son di un professor. Ce razze di dissèn ch'a vebin di imparà di lui i siei scuclars, jo no sai lafe. Co nol foss il dissèn geometricch par il tai dal golezz?

N. 4. *La inaugurazion dal monument* di V. E. Quadri fatt cu la sponge fres-ce, o cul grass di oie, no sai ben. Il monument no si lu viod, e dises voaltris? Puars babans! No capiso, no, ch'al è semenat in te jarbe. Spietait un pòc e e vedares ben che dibott al scomenzarà a menà.

No stait a fa lis maraveja se no ciatàis fra miezz dai quadris, nance un ritratt dai nestris Iustrissina, dai omenons da Udin. Il Comitai nol ha olut metiu te sezion des pituris. E son piciaz dugg in ta che ciamare, ch'a jè insomp dal curador a plan teren, a man zampe, prin di saltà fur te cort dula che jè la bire di Morètt e la espusizion des machignis agraris. E a proposit di machignis agraris, savess che i ul dute, e po' ancimò no baste, che si vevi di lassà esponi, tal plui biell centro de tettoje, lis machignis che un sior al ha fatis vigni di fur de provincie, par lavorà lis sos campagne. Ce uelino di ches machignis al? Che chell sior al è un sior ch'and'ha une vore di spindi e che, co si trate di mostrà lis sos riciezzia, al sà anca imponisi par vè il mior puest?

In ta che cort, intant ch'o bevevi la bire, on d'al sintude une che jò, te me nocenze no soi stat bon di caplie. « *Ce bie ricins!* » al disève un tal, cialand ches tre pieris di mulin che son il donge de puarte. « *No sta a ve pore,* i rispundé un so compagno, *che no si slentaress a ciatà, a Udin, orelis buinis par puaria di chei ricins.* »

Jentrand te sale dula che han esponude la robe des glesias, un'altri al disè: « *Cheste e jè la sale de question Social.* » Uh! ce resils!

Jo po' o hai fate une osservazion. La raccolte dai ogezz e documenz dal nestri risorgiment, le han mitude dula che jè la scuele de prime Classe Tecniche. In te sale de Direzion dal Istitut Tecnich, e han la robe des glesias. Mi è vignude la brute idee che passand pe tranfile des scuclis, i sentimenz generos e patriotichs, che i fruzz e podessin ve supaz sù in famee, e sedin destinaz a finì tra il *Sillabo* e il turibul. Ehl! cui sa cemud che jè! al disève chell gran omp ch'al ere. Mon-signor Pavone.

Chell che Florean al sint senze olè.

Nossere, pòc prin de ritirade, doi soldaz, jo no sai ce grad che vessin, ma ufiziai no jerin e nancie soldaz semplitz, e ciaciaravin donge di me. Un di lor, omp sui trentecin agn, ma che si capias ch'al ha di ve plui di dos capitolaziuns su lis spalìs, al jere dutt inrabiati. Chell altri al oirive di bonàlu.

— Eh! l'assimi, ch' o soi fur de grazie di Dio!

— Ben, e perchè mo'?

— Po' no tu sas ce ch' a mi toce?

— No jo, se no tu mai sisis.

— Tu sas che, dal sessantesis, jo o jeri volontari in ta chell reziment di cavalerie ch' al ha batut i todeschs cà disott Palme?

— Sì, ben e po'?

— Ben, in ta che barafuse i soi stat anca jo.

— O lu sai, e ce ul di?...

— Doi mes prime, un miò compatriott di Cividat, invece di s-ciampà cun me, come ch'al oleva so barbe, par arolasi te armade taliane, al lè volontari te armade austriache, par vigne a batìsi cuntri di noi.

— Sì, lu sai al è...

— Se jo lu vess incontrat in che di a Visch, o lu vares ispirat come une zave e forsi alore i vares ciapade anca la medae.

— Magari!

— Po' cumò, nò isal ufizial dai alpìns de Milizie Teritorial?

— Eh! ça che tu mi contis!

— Po' sì la fè! e doman, ch'al ven a Udin cun la compagnie, a mi tociarà di viodilu cu lis spalìs: e di puertàlgi la man al *lepi* ancimò donge. Ce ti parial?

— Oh! e son robis di rineà la fede!

— Hao, sì o no, reson di sei inrabiati?

— No une, ma miil resons!

— Orpo! S' o savess cui ch'al scriv il Florean, jo!

— Ce oressistu fa?

— Ceh! cà, oress prellu di stampa sul so afusi chest manifest oul: « *a tiransi donge di un feral al si tacà a lej.* »

« *Citadins?* »

« *Co incontràis pe strade un biell ufizial teritorial, di trentecin agn, cu la plume sul ciapiell e*

« ou la muse di sclav, domandàigi se, par sorte, al foss lui chell che, poci setemanis prime de batae di *Custoza*, al lè volontari a disevott agn, te armade austriache, par batìsi cuintri da l'Italie? Domandàigi s' al è lui che dopo, odeand la divise militar taliane, al pajà la tasse di a-francazion dal servizi militar? Domandàigi se, par sorte, al nudriass ancemò, par l'Italie, chei sentimenz che i faserin cioli sù la sclope dal 66? Domandàigi, finalmentri, cemud mai che, senze cometi la più gran viltat, al podàress, dat il cas, batìsi cuintri dai siei amis dal 66, cuintri di chei che alore lu han acetat cun tante buine maniere e tratat cun tante generositat? »

— Va là che tu has reson, ch' al meretareas di fàe.

— Sì. Ma il mal al è che di chei dal Florean jo no 'n cognoss nissun.

In chell e sunà la ritirade e buine sere Narde.

Storielis di Florean.

Un Tizio, che al puarte il ciapiell al Ernani, al se giold di meti a mal dugg chei dal so art; ma cheste volte al ciatà il pietin pal so ciat. Un paron di buteghe al erodè ben di fà qualche ciosse par l'espuzion e difatt al presentà un biell espositori che par eleganze e finitezze di lavor al merte laudat. Ma chell altri babio, invidios, al lè spanpanand ator che 'l espositori al jere une porcarie e che la Cumission lu veve rifudat, che al è un bon di nuje e ce sà jo. Diviars i riferirin a chest lis maldicenzis che ziravin sul so cont e lui, senze piardi timp, al clamà che mace di Checo che al vend ènops in fазze de so buteghe; j contà la storie e lu incaricà di là là di chest Ernani a dli che la Cumission de espuzion le preave di vigni subit sul sit par dà un judizi sore lavoro d'art.

Podes nome crodi, chest Checo al corè là di Ernani come une scolpetade e lu ciatà cun d'un pinell in man che al slapagnave no sai ce, i disè di cè che si tratave e al lè vie pai siei fazz spietand 'l esit de pantumine.

Ernani dunce, sgionfat di braure tanche une zave par chest invit, al si metè il famos ciapiell e vie dur dur al palazz de espuzion. Il paron di buteghe e altris di lor, che savevin dal trucco, e stevin a oesjàlu sul cianton de contrade di Plett e co lu vederin a vigni dal Porton di Grizzan, chell paron al jentrà tal palazz e subit dopo al rivà anca Ernani il qual si presentà al prin de Cumission che al ciatà in atrio. Chest de Cumission, maraveat, al disève che lui nol sa nuje e che nissun de Cumission lu veve invidat. Il paron di buteghe, alore, par finle al lè donge disind che al veve voe di fevelai a dugg i doi; e rivolzind la peraule a chell de Cumission i domandà se al jere ver che il so lavor al fo refudat e che i faseve chesta domande paroc che ciarz individuos, bogns di nuje e che han invidie se i

altris e fasin alo, no fasin che meti a mal e tra i quai al è chell biell tipo che al ha al so fiato, che nol fo capazz di fà nuje par cheste circostanze.

Podes nome immaginàsi, puar Ernani di rose al diventà blanc come la cere, al barbotave, al si confusionave e nol saveve ce acuse ciatà. Alore chell de Cumission, cu la buine maniere, i fasè une paterne e al lè vie dutt squintiat cu la code fra lis giambis. Intant al si ere fatt un bozzul di int e il paron di buteghe al contà la pantumine e dugg baccanand e diserin che jè stade une buine lizion.

Corispondenze di Florean.

San Denel, ai 11 di Avost.

O hai viodut sul to sfuei dal doi un articul, dultà ch'al trate de Aministrazion di un Ospedal da l'alte, che vendè il vin bon par comprand di chell s-ciadent. Eh! ce fotis po! Le han fate ance cull. Ben, e ce conte par chell? Co no tu has altris mòcui, ciar tu, tu pus là a durmì a seur.

Se tu ti metessis po' tal ciar di tarizà l'Aministrazion dal nestri Ospedal, tu le falis. Non di è une aministrazion mior di cheste. Al è drentri il *Parti Eterno*, figuriti! Al è ver si che lui nol comandè gran, cun dutt ch'al pararess ch'al vess di sei parsore di dugg; ma e son ben chei altris che comandin un a dispiett dal altri. Al è il miedi ch'al ordene a bache chest e chest altri disind: « Cull o comandi jo. » Al ven *Cragne* e al disordène chell ch'al ha ordenat il miedi, disind e orodind di jessi lui il paron là drentri. Al capite po' Coletto e senze badai, nè a di un, nè a di chell altri, al fàs par da bon cè ch'al par. Isal di fà un par di cocètis di fiar? Si es ordene a di un fari, senze contratà, e si es pàe 90 francs, contentansi di tirai jù 5 francs sun chell ch'al domandà. Dopo a in fàs fà altris dos di un altri fari ch'al presente la polize di 75 francs e si tirai jù 5 francs anca a chell. Isal di fà il vistit ai mazz? No si va no migo a cirl di fà un contratt cun d'una fabriche par ve robe dute compagne e garantide. Si po' ben voe! Si ciape su dugg i refudums che si ciato pes buteghis di S. Denel. Pai mazz! ce conte?

Tu viodis dunce che no jè nissune rason che tu tu vegnis a ficia il nas cà sù. S. Denel al è beat e content che chei quatri cinq di lor si vebin ciolte la imprese di pensà par dugg e di menà pal nas il pais. Tu tind ai tiei fazz e no stà a vigni a seccai lis mirindis al nestris bogns parons.

Civlat, ai 13 di Avost.

Era io nol pense di là in zir par chei di Cassamicciola, di pòre di sei tacat dal Florean. Puar omp!

« ou la muse di sclav, domandàigi se, par sorte, al foss lui chell che, poci setemanis prime de batae di *Custoza*, al lè volontari a disevott agn, te armade austriache, par batìsi cuintri da l'Italie? Domandàigi s' al è lui che dopo, odeand la divise militar taliane, al pajà la tasse di a-francazion dal servizi militar? Domandàigi se, par sorte, al nudriass ancemò, par l'Italie, chei sentimenz che i faserin cioli sù la sclope dal 66? Domandàigi, finalmentri, cemud mai che, senze cometi la più gran viltat, al podàress, dat il cas, batìsi cuintri dai siei amis dal 66, cuintri di chei che alore lu han acetat cun tante buine maniere e tratat cun tante generositat? »

— Va là che tu has reson, ch' al meretareas di fàe.

— Sì. Ma il mal al è che di chei dal Florean jo no 'n cognoss nissun.

In chell e sunà la ritirade e buine sere Narde.

Storielis di Florean.

Un Tizio, che al puarte il ciapiell al Ernani, al se giold di meti a mal dugg chei dal so art; ma cheste volte al ciatà il pietin pal so ciat. Un paron di buteghe al erodè ben di fà qualche ciosse par l'espuzion e difatt al presentà un biell espositori che par eleganze e finitezze di lavor al merte laudat. Ma chell altri babio, invidios, al lè spanpanand ator che 'l espositori al jere une porcarie e che la Cumission lu veve rifudat, che al è un bon di nuje e ce sà jo. Diviars i riferirin a chest lis maldicenzis che ziravin sul so cont e lui, senze piardi timp, al clamà che mace di Checo che al vend ènops in fазze de so buteghe; j contà la storie e lu incaricà di là là di chest Ernani a dli che la Cumission de espuzion le preave di vigni subit sul sit par dà un judizi sore lavoro d'art.

Podes nome crodi, chest Checo al corè là di Ernani come une sclopetade e lu ciatà cun d'un pinell in man che al slapagnave no sai ce, i disè di cè che si tratave e al lè vie pai siei fazz spietand 'l esit de pantumine.

Ernani dunce, sgionfat di braure tanche une zave par chest invit, al si metè il famos ciapiell e vie dur dur al palazz de espuzion. Il paron di buteghe e altris di lor, che savevin dal trucco, e stevin a oeslalu sul cianton de contrade di Plett e co lu vederin a vigni dal Porton di Grizzan, chell paron al jentrà tal palazz e subit dopo al rivà anca Ernani il qual si presentà al prin de Cumission che al ciatà in atrio. Chest de Cumission, maraveat, al disève che lui nol sa nuje e che nissun de Cumission lu veve invidat. Il paron di buteghe, alore, par finle al lè donge disind che al veve voe di fevelai a dugg i doi; e rivolzind la peraule a chell de Cumission i domandà se al jere ver che il so lavor al fo refudat e che i faseve chesta domande paroc che ciarz individuos, bogns di nuje e che han invidie se i

altris e fasin alo, no fasin che meti a mal e tra i quai al è chell biell tipo che al ha al so fiato, che nol fo capazz di fà nuje par cheste circostanze.

Podes nome immaginàsi, puar Ernani di rose al diventà blanc come la cere, al barbotave, al si confusionave e nol saveve ce acuse ciatà. Alore chell de Cumission, cu la buine maniere, i fasè une paterne e al lè vie dutt squintiat cu la code fra lis giambis. Intant al si ere fatt un bozzul di int e il paron di buteghe al contà la pantumine e dugg baccanand e diserin che jè stade une buine lizion.

Corispondenze di Florean.

San Denel, ai 11 di Avost.

O hai viodut sul to sfuei dal doi un articul, dultà ch'al trate de Aministrazion di un Ospedal da l'alte, che vendè il vin bon par comprand di chell s-ciadent. Eh! ce fotis po! Le han fate ance cull. Ben, e ce conte par chell? Co no tu has altris mocui, ciar tu, tu pus là a durmi a seur.

Se tu ti metessis po' tal ciar di tarizà l'Aministrazion dal nestri Ospedal, tu le falis. Non di è une aministrazion mior di cheste. Al è drentri il *Parti Eterno*, figuriti! Al è ver si che lui nol comandè gran, cun dutt ch'al pararess ch'al vese di sei parsore di dugg; ma e son ben chei altris che comandin un a dispiett dal altri. Al è il miedi ch'al ordene a bachele ch'est e ch'est altri disind: « Cull o comandi jo. » Al ven *Cragne* e al disordène chell ch'al ha ordenat il miedi, disind e orodind di jessi lui il paron là drentri. Al capite po' Coletto e senze badai, nè a di un, nè a di chell altri, al fàs par da bon cè ch'al par. Isal di fà un par di cocetis di fiar? Si es ordene a di un fari, senze contratà, e si es pae 90 francs, contentansi di tirai jù 5 francs sun chell ch'al domandà. Dopo a in fàs fà altris dos di un altri fari ch'al presente la polize di 75 francs e si tirai jù 5 francs anca a chell. Isal di fà il vistit ai mazz? No si va no migo a cirl di fà un contratt cun d'una fabriche par ve robe dute compagne e garantide. Si po' ben voe! Si ciupe su dugg i refudums che si ciupe pes buteghis di S. Denel. Pai mazz! ce conte?

Tu viodis dunce che no jè nissune rason che tu tu vegnis a ficia il nas cà sù. S. Denel al è beat e content che chei quatri cinq di lor si vebin ciolte la imprese di pensà par dugg e di menà pal nas il pais. Tu tind ai tiei fazz e no stà a vigni a seccai lis mirindis al nestris bogns parons.

Civlat, ai 13 di Avost.

Era io nol pense di lè in zir par chei di Cassamicciola, di pòre di sei tacat dal Florean. Puar omp!